

佛本行集經

才三十八

二百九十九  
所八

49743



佛本行集經卷第三十八

所

隋天竺三藏法師闍那崛多譯

那羅陀出家品下

尔時伊羅鉢龍王作如是念世尊已知我名字也復更重於如來世尊增加歡喜得清淨心生愛敬心時伊羅鉢即隱本形別更化作

摩那婆身近世尊前頂礼佛足却住

一面已即更親誦彼二偈文而重問佛



在何自在王 染著名為染 彼云何清淨

云何得癡名 癡人何故迷 云何名智者

何會別離已 名曰盡因緣

尔時世尊復還以偈答龍王言

第六自在故

王染名曰染

無染而有染

是故名為癡

以沒大水故

故名盡方便

一切方便盡

故名為智者

尔時伊羅鉢龍王復更以偈重白佛言

受持何戒行何行

復更作於何業因

能於人天受勝身

薰修最上無邊利

尔時世尊即還以偈答龍王言

供養老人勿毀他

欲見尊長須時節

常愛善行及法語

數聽正真利益談

樂法深念正菩提

智慧分別思惟義

實言精苦修梵行

於他常行布施檀

質直詳審意勤劬

笑哭語言皆避惡

諂曲傲慢悉遠離

勿共他人作怨讎

善言在於正念中

若聞若知定心意

若人常有放逸行

彼輩無聞無正思

若能行於聖道因

是名依行淨口業

彼等忍辱正思念

在於多聞廣智中

尔時世尊說此偈已其那羅陀摩那婆仙即

### 離慾法

尔時伊羅鉢龍見佛聞法瞻仰尊顏悲喜相  
交淚下如雨

尔時世尊告伊羅鉢大龍王言汝大龍王何  
故忽然瞻看我面笑而復悲如是淚下作是  
語已伊羅鉢龍即白佛言如來世尊我念往

昔有佛出世名曰迦葉多陀阿伽度阿羅呵  
三藐三佛陀我時於彼佛法之中修行梵行  
爲出家人

世尊我於彼時見有一草名曰伊羅我時以  
手斫彼草取執捉將詣迦葉佛所到佛所已  
白彼佛言世尊若有比丘斫於此草得何果  
報時彼世尊即報我言汝比丘知若人故心  
斫斷此草彼人當墮牢固地獄

世尊我於爾時於波迦葉多陀阿伽度阿羅  
呵三藐三佛陀邊聞於此語心中不信不  
希有奇特之想以我不取彼佛語故不受於  
彼如來教誨又自思惟但我斫此伊羅之草

有何果報心作是念

世尊而我當時既造於彼波夜提罪而不信  
有波夜提報復不能捨此之邪見命終已後  
遂即生於長壽龍中是故彼時爲我立名名  
伊羅鉢伊羅鉢也而我尔時還於彼處迦葉  
佛邊問彼佛言大聖世尊我於何時當得脫  
此惡龍之形何時當得復於人身作是語已  
嘿然而住

尔時彼佛迦葉如來多陀阿伽度阿羅阿三  
藐三佛陀即告我言汝大龍王今應當知過  
若干年若干百年若干千年過若干百千万  
億年後當有佛出興於世彼佛号爲釋迦牟尼

居多陀阿伽度阿羅呵三藐三佛陀彼釋迦  
佛當記汝得復於人身

世尊我於彼時作如是念我今以於迦葉佛  
邊所說法戒違背不信受此龍身以微善緣  
今值世尊還不持戒世尊我見如此自罪過  
故呵責自身泣淚啼哭如雨滿面見世尊喜  
所以微笑爲是因緣我如是念希有希有未  
曾有事如是之法諸佛世尊乃能如是無有  
二言如彼迦葉如來世尊授於我記汝大龍王  
過若干年乃至億年於後當有如來出世如  
彼佛言無有異也世尊我以是緣今復問佛  
世尊我何時得脫此龍身更何時得復於人身

尔時世尊告伊羅鉢大龍王言汝大龍王從  
今已去過若干年乃至如前若干億年於後  
當有佛出於世名曰弥勒多陀阿伽度阿羅  
呵三藐三佛陀汝於彼時當得人身時彼世  
尊度汝出家修行梵行得盡諸苦

尔時世尊為伊羅鉢更復說法令其歡喜勸  
示教言來汝龍王歸依佛歸依法歸依僧受  
持五戒而汝當得長夜利益大得安樂伊羅  
鉢龍既從佛聞如是語已即白佛言如世尊  
教我今歸依佛法僧寶受持五戒

尔時世尊重更教誨伊羅鉢言汝大龍王今  
應知時伊羅鉢語那羅陀摩那婆言來摩婆

仁須幾多金銀珍寶隨意所須從我索之我  
當與仁而此龍女仁無所用所以者何此之  
龍女口一出氣能令世人作於灰土時那羅  
陀報龍王言汝大龍王我亦不用金銀珍寶  
亦復不用龍王之女何以故我今佛邊聞諸  
偈已即於諸慾生厭離想爾時伊羅鉢龍王

頂禮佛足遶佛三匝辭佛而還

爾時世尊告彼八万四千衆等其那羅陀最  
爲上首次第爲說所謂教行布施持戒得上  
生天又說慾中多諸過患令生厭離證於漏  
盡又教出家讚嘆功德助成解脫而世尊知  
彼諸大衆那羅陀等最爲上首各各皆生歡

喜之心生踊躍心生柔輒心得無礙心

亦時世尊所有教法令他歡喜真正要趣謂  
四聖諦苦集滅道世尊既將此四聖諦種種  
方便解說顯示教誨建立分別宣揚教行學  
習如是生苦如是苦集如是苦滅如是得道  
世尊以此四種聖諦種種因緣顯示宣說乃  
至教行而彼衆等即於其坐離諸塵垢盡煩  
惱界於諸法中得淨智眼所有集法皆悉除  
滅如實知見譬如淨衣無有垢膩無有黑毛  
隨欲染時而受諸色如是如是彼諸大衆那  
羅陀等於彼坐處遠離煩惱悉盡諸集證知  
諸法建立無畏度諸疑網不隨他語如世尊

教即並歸依佛法僧寶受持五戒是時彼衆  
八万四千從坐而起頂礼佛足圍遶三匝  
還本處

尔時童子那羅陀仙已見諸法已得諸法已  
證諸法已入諸法度諸所疑度諸所惑無復  
疑網已得無畏不隨他語已知世尊法教微  
密即從坐起頂礼佛足而白佛言唯願世尊  
與我出家及具足戒

尔時佛告彼童子言善來比丘入我法中行  
於梵行正盡諸苦今到其邊時彼長老便成  
出家戒行具足是時長老那羅陀比丘既出  
家已具戒成就未經幾時獨行獨坐捨於衆

開謹慎身口不曾放逸精勤勇猛無懈怠故  
不久之間其善男子所爲出家無上梵行進  
於彼岸現見諸法自證諸通證已自知自見  
自覺而口唱言生死已盡梵行已立所作已  
辦更不受後如是了知而彼長老即成羅漢  
心善解脫慧善解脫而那羅陀長老比丘旣  
得羅漢無著之果空閑獨處作如是念我今  
可詣佛世尊所以偈問佛

介時長老那羅陀比丘於晨朝時從房而出  
往詣佛所到佛所已頂禮佛足却坐一面坐  
一面已時那羅陀即便以偈問佛義言

我今方驗昔私陀

諦了如語莫不實

今復得聞世尊教  
既已捨家能出家  
行於此行得何報  
尔時世尊即還以偈報彼長老那羅陀言  
汝問行行果報者  
我今爲汝分別宣  
凡有行者入聚落  
其有亂意處須防  
行人常觀叫喚響  
見於婦人端正容  
以不染於諸慾法  
無染即無鬪覓緣

度到諸法彼岸邊  
復持乞食存活命  
我今諮問佛世尊  
此事無常難驗知  
宜發精進令牢固  
讚嘆毀辱平等心  
當取寂定無上果  
猶如猛火熾炎然  
應須捨離勿生染  
彼此各無相染因  
世間所有衆類輩

我身彼身無有異  
如是審諦思惟觀  
應捨貪等我慢事  
諸有眼者能離怨  
若入聚落乞飯食  
諸貪染處若捨捐  
夜獨坐時莫念諸  
但至天曉欲乞時  
到聚落中嘿然任  
遊於聚落莫忽啞  
手執鉢盂行乞食  
設得少食心莫嫌

我命彼命等共同  
瞋時勿殺勿相害  
一切凡夫染著身  
如食毒藥平等死  
莫觀諸事散亂心  
以無著故當解脫  
遠離聚落亦勿思  
正念正思入聚落  
次第歷家乞食行  
向他語言勿鹿獷  
雖有才辯但嘿然  
布施飯人勿毀罵

所得之處最爲善  
於仁邊生平等心  
食訖已後還林內  
在於鋪上如仙人  
恐怖皆捨勵心意  
在於樹下當喜歡  
自餘諸根悉調伏  
境界悉遣心莫存  
清淨真心行梵行  
博聞多智須稟承  
若如是人應親近  
信已恭敬如世尊

若不得處莫生瞋  
至於樹下隨意食  
住於樹下結跏趺  
身心及口皆斂攝  
餘事莫想唯念林  
以舌拄腭漸出息  
心意不得著諸緣  
穢濁之處並須捨  
善言處所精勤求  
其有寂靜離慾者  
至於彼邊心信從  
勿說他家是非事

莫毀他人自讚嘆  
猶如猛火遠處聞  
是名比丘出家法  
若能平等觸處安  
當知業如車輪轉  
一人思惟即證知

調伏諸根心成就  
此行唯在空閑林  
或在河岸池泉側  
闕少智慧恒睡眠  
如泉如池如大海  
愚癡人如半瓶泔

語言不得大高聲  
如是思惟斷諸惑  
作不作事悉離身  
聖人行行應如是  
對一人說聖法時  
調伏諸根獨處坐  
於後名聞遍十方  
或坐山間及樹下  
如是處所坐思惟  
滿足寂定常覺悟  
寂定之者亦復然  
智慧者猶滿池水

智人雖復多言語

言語雖多不失時

或有才辯語言多

復有少言而審諦

如是少言亦名智

是則名為仙聖人

是名真實中道行

是名寂靜得解脫

尔時世尊說此偈已其那羅陀心意開解歡

喜踊躍又有師言而此長老那羅陀者其本

種族姓迦旃延以本姓故眾人稱言大迦旃

延又復長老迦旃延佛曾記言汝等比丘

今應當知我此聲聞大眾之中捷利取義聞

有廣說而其聰敏悉能領悟或少聽受而能

為他廣分別說最第一者所謂即此大迦旃

延比丘是也

尔時彼等諸比丘輩聞是語已生希有心各相謂言今此尊者大迦旃延甚爲希有心生疑惑更無有人能決我疑解了一切諸結義者唯佛世尊即往佛所到佛所已共白佛言善哉世尊今此長老迦旃延往昔曾種何等善根而今來詣佛世尊所即得出家受具足戒證羅漢果世尊復記聲聞衆中捷疾利智略說廣解廣言能略最第一者所謂即此大迦旃延比丘是也我等願聞

尔時佛告諸比丘言汝諸比丘至心諦聽我念往昔此賢劫中衆生壽命二万歲時有一如來出現於世名曰迦葉多陀阿伽度阿羅

呵三藐三佛陀。爾時彼佛迦葉如來轉法輪。  
已豎法幢。竟昔誓願。滿具自在。利辦大丈夫。  
一切作事。開化所化。度諸衆生。蓮華衆等。八  
千億類。令生天上。是時彼佛入涅槃後。并及  
建立解脫法門。悉皆在此波羅捺城鹿野苑。  
中諸仙居處說法。而任。

爾時彼處波羅捺城有一信行善優婆塞。受  
持五戒。彼優婆塞善解五明。分別世論。能解  
其義。彼優婆塞至鹿苑林。向諸比丘。略而問  
義。如是問已。時諸比丘。即爲廣說。彼優婆塞  
旣聞彼等諸比丘。輦爲其廣說。如是之義。我心  
生欣羨。發如是願。善哉。希有願。我來世更得。

勝於如此之法亦能如是分別爲他次第而說如此比丘等無有異

尔時佛告諸比丘言汝等當知彼時五戒優婆塞者即此摩訶迦旃延是以彼佛邊受持五戒爲優婆塞善解五明微細之義復能分別爲他解說於彼時發如是誓願願我來世成就是等一切諸法能廣爲他種種解說又復比丘汝等當知是迦旃延比丘往昔歡喜心種如是善根以是因緣至於我邊即得出家成羅漢果我今授記於我聲聞大衆之中略義能廣廣義能略第一之者所謂摩訶大迦旃延比丘是也

是時世間即成九十二阿羅漢第一世尊後  
五比丘并及長老耶輸陀身又耶輸陀大富  
朋友諸長者等勝中復勝諸善男子所謂無  
垢善臂滿足并牛主等又耶輸陀復有五十  
商主朋友他方所來諸善男子又復長老富  
婁那弥多羅居士及其朋友二十九人并及  
長老迦旃延等

佛本行集經婆毗耶出家品第四十二上

尔時比天竺有一城名特叉尸羅

隋言  
削石

時彼

城內有於一家彼家婦女忽尔雙產男女二

人時其父母即召明師令為相之是時相師  
即為占之云女薄相無有吉利彼女父母聞

此言已作如是念此女今既無有好相則不  
吉祥若至長成當是誰取用其作婦父母如  
是共平章已即將彼女乞一學問外道之婦  
其外道名波梨婆闍隋言作如是言我今乞  
汝此女養育教示道法令其增長若有所須  
調度供擬我當悉與

尔時外道波梨婆闍即便攝受彼女養育如  
是看視其女漸漸隨時長太及至笄年女意  
智成時彼外道波梨婆闍婦見女大即教彼  
女種種呪術種種伎能悉皆成就意智明解  
種種諸論至齒成就端正少雙多人喜見身  
體柔輒面目勝他骨節成熟身體正等無所

缺減

尔時彼女身體上著一奢絺衣在於腰下一  
奢絺衣披置肩上手執持三竒立拒擬澡  
洗時安瓶之所遊歷處處村城聚落國邑王  
門覓諸外道欲共論議欲折伏故而漸漸行  
值一波梨婆闍道人名曰最妙自在勝他處  
處遊歷從南天竺來往北天時彼道人亦復  
可喜端正少雙年又盛壯爲人樂見面目還  
尔勝於他人身體整頓支節可喜於諸論師  
最得名聞

時彼道人見此波梨婆闍之女如是可喜端  
正容色爲他樂觀見已於彼波梨婆闍女人

之邊生愛著心時彼波梨婆闍之女亦復於  
彼波梨婆闍道人之邊亦生染心更相貪戀  
私惑無已

尔時彼客波梨婆闍道人即語於彼波梨婆  
闍女如是言善女仁者我意今者甚願樂女  
共行世事是時彼女亦復報言我今心中亦  
貪樂仁欲得一處時彼波梨婆闍道人報彼  
女言我等二人俱是出家修道之者若在如  
是法行之中作世事者而諸人等若見我輩  
作如是事即便呵責毀辱我等我等今可於  
諸人前共相論議立要誓言若不如者即教  
承事

尔時彼女即如是言若我得勝汝脫不如此  
事不善便成非理豈有丈夫事女人乎若女  
不如伏事丈夫此事乃善此是順理時彼波  
梨婆闍道人即報女言善哉德女汝此語義  
甚為當理如汝所說

尔時波梨婆闍道人即於衆中打論義鼓而  
告之言此處頗有人能共我問答已不若或  
波梨婆闍道人若或波梨婆闍女人誰能共  
我問答語言能者為善如是至三時彼波梨  
婆闍女人在衆中聞如是語已即便唱言我  
今甚能共汝論義往來問答  
尔時彼女容儀庠序在大衆內發問其義時

彼波梨婆闍道人爲解得通而彼波梨婆闍道人反問彼女女解亦通如是再過各各相問各各相通至第三過而彼波梨婆闍道人問彼女義其女有力能爲解通但護於彼波梨婆闍心相愛故現同不通嘿然不荅時彼波梨婆闍道人即於衆中降伏彼女

亦時彼女旣被波梨婆闍道人所降伏已即便對衆從彼波梨婆闍道人身手之邊取其華筵及三叉拒執持而行彼等二人旣現相已如是穢亂各不相避共一處行以彼道人二和合故其女即便有於娠躰女旣有娠違本行故失於容色不復端正而彼波梨婆闍

道人見彼女身失本顏色即生厭賤而告彼  
言我不復能共汝一處居住停止

時彼女人報彼波梨婆闍道人作如是言我  
等二人既並修道兩俱失意今於汝邊已有  
此胎汝今見我無有華色忽棄捨我我當立  
死若其未死必受大苦

時彼波梨婆闍道人離心既決與彼女人一  
金指環用以爲記復告女言汝若生女用此  
指環貨易取財持以養育若生男者汝當與  
此指環爲記令尋覓我付指環已捨彼女去  
背面還向南天竺行

爾時波梨婆闍女人懷抱娠躰遊歷處處經

涉而行漸漸至於摩頭聚落時彼聚落有邊地州名曰白雲在於彼處寄一縣內產一男兒兒既生已時彼縣內所有居住男子婦人皆生憐愛慈愍之心或與彼蘇或與彼油自餘所須皆亦布施而彼波梨婆闍女人如是思惟我今此子在縣內生今可立名還依地詔是故此子名娑毗耶

隋言  
縣官

時彼女人波梨婆闍如法養育子娑毗耶令其增長與於乳哺而娑毗耶童子長大意智漸漸向欲長成而彼波梨婆闍女人即教其子書畫筭數印記呪術自餘諸論悉教使成而彼童子捷利聰明所學之事皆得成就無

不知者

時娑毗耶曾於一日問其母言阿孃阿孃我父是誰今在何處是時彼母報其子言子娑毗耶汝父今在南天竺國汝今宜應至彼尋求推覓汝父是時彼母即與其子夫先所留指環為記出而付之而告之言汝將此記尋求汝父而娑毗耶即報母言一如母教我當依行

時娑毗耶受取記已漸漸發向於南天竺從村至村從一聚落至一聚落從城至城漸漸而向南天竺地所至之處見論議人皆悉降伏漸到父所既不識父亦不借問至已即打

論義之鼓作如是言此處頗有或復波梨婆  
闍道人或復波梨婆闍之女有能共我問答  
論義如是者不

時娑毗耶童子之父既覩童子亦見即便心  
裏自然生愛子想而彼波梨婆闍道人問童  
子言汝善童子汝今是誰從何來也是時童  
子即向波梨婆闍道人委曲而說其來因緣  
出於指環而以示現時彼波梨婆闍道人見  
指環已語童子言汝是我子

時彼波梨婆闍道人既得子已即更增進教  
示種種呪術伎能而彼波梨婆闍道人於先  
舊時已曾修得於諸禪定如是次第即教其

子禪定之法時彼波梨婆闍道人其後不久  
遂便命終

時娑毗耶父命終後漸漸行至向海岸邊既  
至彼處即便造作草菴而住彼處寂靜思惟  
而坐不久成就獲得四禪兼證五通既證獲  
已心如念世間所有諸阿羅漢或復自稱  
我得羅漢阿羅漢道我於彼邊亦名羅漢一  
種無異

時娑毗耶童子之母其命先終即得上生三  
十三天是時世尊既已證得阿耨多羅三藐  
三菩提在鹿野苑轉於無上法輪之後時彼  
地居諸天各各迭相唱告其聲轉轉相承上

至三十三天。尔時初利童子母天聞此聲已，  
內心思惟我子今日住在何處，彼正念觀即  
見其子在海岸住。

尔時彼天身色過他，正當夜半放天光明照  
子住處。至娑毗耶波梨婆闍行行邊，告娑毗  
耶言：汝娑毗耶非是羅漢，亦復未入阿羅漢  
道。及羅漢法汝於羅漢求道之法，未有次第  
而娑毗耶問彼天言：天是阿誰？天今復是羅  
漢，以不有入羅漢道法，以不頗復有知羅漢  
法教能令學習得羅漢不？  
尔時彼天即便報於娑毗耶言：汝娑毗耶今  
有世尊多陀阿伽度阿羅呵三藐三佛陀現。

在於彼波羅捺國鹿野苑中仙人居處而彼  
世尊自是羅漢入羅漢道自解知已復能教  
他得羅漢法時娑毗耶復問天言仁者大天  
我今無智作何方便乃能得知彼是多他阿  
伽度阿羅呵三藐三佛陀

尔時彼天教娑毗耶作如是言波梨婆闍汝  
問義法應須如是汝受如是比丘名也云何  
調伏云何善行云何名佛云何比丘云何沙  
門及婆羅門云何清淨云何是智及智福田  
云何名巧善解方便云何名仙云何名聞云  
何隨順云何精進云何名龍云何名受云何  
名聖云何行行云何求道汝娑毗耶若見有

又汝問是義彼人下下為汝解說令汝歡喜  
汝於彼邊行於梵行

時娑毗耶波梨婆闍從彼天聞如是文句心  
憶持已即遊歷行一切國城村邑聚落處處  
打鼓求欲論義復口唱言若有沙門及婆羅  
門能解如是我問義不是時至處無有一人

能解如是義論之者時娑毗耶所行之處或  
舊有人坐思惟法或論義者聞娑毗耶來到  
其邊各各散走終無人敢共彼論義言語談  
說時娑毗耶波梨婆闍次第而行漸漸至彼  
波羅捺城亦時彼城有六大師各各唱言我  
於世間最為第一謂富蘭那并三迦葉是也

子等時與毗耶即便往詣彼富蘭那迦葉等  
邊到已即共彼富蘭那面相慰喻言語問訊  
言說訖已却住一面

佛本行集經卷第三十八

所

傲慢

上告

吾反

怨讎

上讎

下音

冤

上音

嗤

尺反

之

麁

獷

下猛

俱

膠

鬻

下吾

各反

甘

音甘

筭

上音

年

上音

奢

締

丁反

之

反

娠

身音

詔

反

彌

併

乳

舖

下音

步

迭

徒反

結

